

里人周慶雲纂

農桑二

收蠶 縣志清明後穀雨前用舊絮包種六七日或以帕裏之

置熏籠一宿謂之打包天暝則置之牀上天寒則抱於胸前

宜老翁老婦任之取其温和適中也 育蠶要旨看布種其

子變綠謂之戰色俟全綠即可收三朝後當將種鋪開在向

陽處如陰雨或在牀上或在竈上以暖處為佳待其脫殼採

花葉少許 俗名野薔薇葉 去梗刺燭燥研末其香無比用麻布

篩篩在種上 蠶得此則 候一箇時辰用食鍋抹乾 金漆大盤

將鷺毛輕輕刷攏收於鍋內更用小圓竹器鋪礬糠灰一層

南潯志

卷三十一

農桑二

一

雜以石 上襯以紙即放蠶於器中上用切細嫩葉薄糝 收下

宜切細初眠後可羸二眠後 蠶即能食凡收下未曾食葉即

一二日不飼不致餓壞倘喫葉些些以後稍饑即斷絲腸矣

放在暖處謂之冷看須六七周初眠倘用火較速用火者蠶

器擱架上藏牀中火爐燒炭擊一箇 俗稱 用灰蓋好置架下

不得過熱蠶器亦須時時移轉葉亦頻頻糝上謂之三日三

夜趕頭眠然不若冷看之妥惟遇春寒用火可免畔 亦作

作躐俗用薙替屨字並非蠶畏冷 湧幢小品其既食也乃

熾炭于筐之下并其四周剉桑葉如縷者而謹食之又上下

抽番晝夜巡視火不可烈葉不可缺然又不可太緩緩則有

漫漶不齊之患矣編經曰蠶薦用以圍火恐其氣之散也束

粘曰葉墩用以承刀惡其聲之著也是爲看火 遺間瑣記

初生之蠶俗名烏兒每重一錢 十六兩 戩子 可得出火一斤大眠

四斤 並廿四兩秤 爲中平之率 烏青鎮志 葉稀卽補之烏密處

以細竹筴撥勻

**董蠶舟收蠶**

諺云穀雨不藏蟲收蠶以此爲候焉擇吉日以桃葉火微炙之俟其蠕動以鷺羽刷於釜

中或以冷或以盒視所便又取刺梅花之葉縷切布其上蠶得葉香蟄者盡出乃以戩子權其輕重始飼以葉目刺

梅葉爲花葉者別於桑也郡人謂收蠶爲攤烏其候較吾鄉爲早云

蠶房埽畢窗已糊吳鹽

裏去迎狸奴良辰急向厯頭檢城中前日齊攤烏炙殘桃

葉蠕蠕動毫芒細更輸鍼孔紛紜紙上密成團四寸鷺翎

慢撚攏刷下先將小榼承細敷花葉一層層蠶孃早欲知

多少敷罷還從戩上稱從此育蠶多禁忌扎闔豫防生客

南潯志

卷三十一

農桑二

二

至三寸紅箋淡墨書家家徧貼蠶天字

**董恂收蠶**下蠶最早惟我湖昨日前日齊攤烏厯頭日腳

今又好收蠶莫把良辰孤鷺翎一雙早購置細意更有垂

髻姑囑姑開包出布種蠕蠕戩戩生意蘇紙上拂拭置筐

內攢如絲髮無細麤更教持戩較輕重胥言種最今年敷

小筐紙糊潔且淨一層細葉青平鋪揮刀束砧忙復忙何

殊慈母將嬰雛

忌蠶

**育蠶要旨**忌蠶之說鄉人最信往往用蘆簾圍住不使

人出入稍有變端卽占小禱祝或謂生客所衝或謂陰氣所

犯雖屬附會然在旁人知其忌蠶必須謹避庶不致歸咎也

有實係當忌者曰雨曰霧曰黃沙曰氣水葉 葉久貯氣熱蒸溼者 曰煙

氣曰油氣

熬熱油  
尤忌

曰酒氣曰穢濁氣

采桑

**育蠶要旨**桑葉稱爲鮮貨不可多采恐其乾而蠶不欲

食則暴殄矣又不可少采或遇霧雨黃沙也

有霧甚毒雨亦  
不宜黃沙必洗

倘逢大雨則繩經於檐前將桑葉挂上風乾水漬或用扇揮  
之小蠶時只采葉片出火然後開剪如蠶多則二眠卽開剪

**董斯張桃源憶故人采桑**一庭麥雨薔薇亞穠綠描成

夏蠶市今番來也剛直開園罷 碧雲叢裏紅衫卸錯認  
海棠花謝翦得半筐歸舍釵挂桑枝下

**董燠采桑曲**吳下重蠶桑采采朝復暮葦簾愛晴和溼食  
忌雨霧婦姑辛勤不得眠筠籠壓背墮曼鬢地狹人稠葉  
垂盡騰價撐過賣葉船借得幾貫青銅錢購置飼養俱蜿

南潯志

卷三十一

農桑二

三

蜒上山作繭厚復圓縑車伊軋火晝然羣布不用一縑被  
一月樓羅半顛賴絲多價賤何處賣催租人去債主至

**董正采桑行**朝采桑采柔枝暮采桑采枯枝朝采暮采不  
自飽廢置櫛盪愁蠶饑辛勤圖上簇絡繹看縑絲去年東  
郡蟲食稻流民牽帥逃鞭笞村村乞食餓且死桑籠雖在  
誰提攜今年西村苦冰雹隴麥顛倒桑離披幸茲獲生聚  
比戶天所私微陰障晴日小雨溼茅茨葦簾土銼半涼燠  
敢憚操作謀荒嬉但願繭雪白絲價良不訾上輸賦稅下  
艱食荷鋤共事東皋苗

**董蠡舟采桑**一片碧雲籠四野戴鴛聲中見桑者儂家有  
地十畝寬半在陌頭半牆下郎憐儂是新嫁孃嬌羞尙怯

遵微行顧語小姑汝子助同向南塍采葉去宿葉未盡蠶  
未饑偷閒偶啟白板扉家家閉戶寂如水拾葑畦邊譁稚  
子綠陰陰地聞翦聲林中到處桑梯倚須臾夫壻負筮歸  
堆來滿地青玉肥只願吾蠶食葉速速采不辭勞僕僕默  
思地窄葉無多飼到上山恐不足保得安全過大眠典郤  
金釵開葉船

**董恂采桑**種桑須種儂屋邊儂行采桑近更便提籠朝朝  
又暮暮不須南陌還東阡日間飼蠶采猶易夜行畏露零  
涓涓良人爲我購竹筮薄暮挑取盈窗前何待更深復外  
出愛儂情重儂亦憐所愁蠶多葉復少不堪無葉偏無錢  
郤喜今朝蠶不食滿筐滿箔齊三眠拔釵付郎去稍葉天

南潯志

卷三十一

農桑二

四

明餉食難稽延

**張樹培采桑曲**房頭防夜有狸奴眠對燈檠照影孤忽被  
子規驚夢醒起看稀處葉重鋪 桑陰如幄柳垂街匝月  
辛勤繫妾懷侵早最愁春草滑倩郎先買小蒲鞵 斜風  
細雨最魂銷陌上歸來路尙遙幾樹低枝儂盡折待郎來  
取最高條

稍葉

**育蠶要旨**如桑地少必須買葉大眠後開葉船買葉當  
用十擔先買五擔恐蠶或不佳不至餘葉且恐價有低昂也  
如太昂則屑米粉糝葉以飼之

道光二十二年  
曾有及此者

又停葉之法

亦稱住葉葉來之時先向陰地上鋪蘆蓆或竹簾葉放其上  
不可鬆亦不可過緊須將每帖豎起整齊平直清水灑之謂

之封好一周宜灑三四次可停三日或兩日臨飼蠶時將葉放鬆涼

透停處必熱否則有氣水葉蠶食即壞 胡承謀府志稍葉湧幢小品

秒作其預立約以定價而俟蠶畢貿絲以償者曰賒稍有先時

予直俟葉大而採之或臨期以有易無胥謂之現稍 遣閒

瑣記蠶時往烏鎮做葉是南潯一敝俗名為貿易實同賭博

究之得利者少失利者多有葉賤而虧本者有刻意居奇以

致過時不及售者有受市僧之欺并本錢無從追問者後人

曾不知鑒為之不已蓋市易叢集之地便于遊蕩故樂之而

不悔也

**董蠶舟稍葉**

桑為湖屬恆產直名曰葉以人人所知也而吾鄉則栽桑地狹所產僅足飼小蠶曰小葉

葉莫多於石門桐鄉其牙僧則集于烏鎮三眠後買葉者以舟往謂之開葉船買賣皆曰稍吾鎮之饒裕者亦稍以

南潯志

卷三十一

農桑二

五

射利謂之作葉又曰頓葉凡葉百斤為一擔郡中則以二十斤為一箇

家家門外桑陰繞不

患葉稀患地少及時惟恐值尤昂苦語勸郎稍欲早我家

稍時在冬月一擔不過錢五百迨至新年數已懸蠶月頓

增至一千未到三眠忽復變一錢一斤價驟賤夫壻聞之

咎阿儂而今欲悔已無從儂笑謂郎莫爾爾吾家所失殊

無幾不見街頭作子賀切葉人折閱已過大半矣此曹平日

子母權計利析到秋毫顛居來奇貨不肯鬻黃金不飽貪

夫腹去有腰纏返垂橐烏戍歸來唯一哭

董恂秒葉樹桑牆下地不多蠶食不足如葉何鄰翁明日

向烏戍顧語夫壻無蹉跎葉行早晚價不一秒遲秒早宜

猜摩清明插柳妾曾卜今年平穩靡有他但願初貴後時

賤彼做葉者空婆娑當其貴時儂有葉牆陰屋角枝猗儺  
待至蠶長葉已賤葉船兩兩門前過百斤亦祇值錢百剪  
刀聲裏多歡歌

**金鍾秀蠶家新樂府**做桑葉昂然高坐踞牙儂賣買人多  
闐戶外忽贏忽絀權獨操伎倆畸衰此其最買者未必皆  
養蠶販夫漁利殊眈眈可憐窮氓日勞苦蠶多葉貴情何  
堪吁嗟乎局外閒觀徒扼腕惡習何時除壟斷

飼蠶 **育蠶要旨**大約每蠶一斤廿四兩自收下至上山喫葉一  
百八十斤十五兩此上上蠶也稍平者不到此數小蠶時只  
采葉片出火然後開剪

**溫**曰鑑飼蠶行桑扈初鳴麥花落家家閉戶事蠶箔鄉村

南潯志

卷三十一

農桑二

六

四月斷往還陌上綠雲亞髻鬢日斜不見青絲控紫萇綠  
枝醉禽弄蠶饑葉貴空執筐呼婦須鬻嫁時璫

**董蠡舟飼蠶**

東結爲墩曰葉墩又曰草墩用以承刀剉葉如絲以飼之二眠後與完葉三眠則連枝與

之日夜謹飼不令稍饑饑則有斷絲腸之患出火前忌溼  
葉大眠餉後又惡太燥以潔水灑葉而飼若傷于寒則殭  
死鬱於熱則破囊俗所謂爛肚也風  
雨霧霜皆足致損在飼之得宜耳終朝剉斫費摒擋藁

砧束作明月樣絲絲青葉如牛毛細意聶切何辭勞浹辰  
之間眠過二眠起便將完葉飼盼到幾時纔出火連枝喂  
食無不可只愁霧雨氣鬱蒸檐前風戾懸長繩小蠶惡溼  
大宜潤手淪寒泉細噴喫調饑未怨朝食遲生怕蠶饑甯  
我饑蠶饑便恐絲腸斷未敢片時少稽緩一宵四起黎明  
興阿母年邁猶能勝回眸一笑呼小妹鋪筐未了垂頭睡

董恂飼蠶蠶饑蠶飽不可過早起飼蠶何敢惰只愁饑後  
斷絲腸那顧女嘯與兒餓辛勤更是小時難葉溼宜揩大  
宜剉盼到今朝捉大眠帶葉連枝滿筐簸所恨連朝風霧  
深照料稍疏又囊破竟晝繇宵那得閒幸是兒夫肯儂佐  
葉乾葉溼要關心與少與多莫相左夜間飼罷且偷閒和  
衣暫向牀頭臥

**金鍾秀蠶家新樂府關蠶門**吳鹽聘取狸奴歸家家紅帖  
糊柴扉此時最忌是生客悵悵村落行人稀行人稀無剝  
啄門內蠶孃忙碌碌朝朝暮暮不出門容易縲車動茅屋  
噫嘻吁新絲做得百兩無又聽打門追宿逋

頭眠

**育蠶要旨**蛻殼時不食不動名曰眠初眠雖係學眠究

南潯志

卷三十一

農桑二

七

欲其齊朝見眠頭而夕定 夙夕見眠頭而朝定 夙其蠶必佳

眠頭欲眠者數十箇也定夙無不眠也雖屬好蠶終不免有青條

俗謂頭眠頭頂沙

頭戴蠶沙矢

二眠蠶挖蠶然猶不足憑唯看其蠶色放白蠶身長大旺葉  
以後漸漸色黃收身褪葉嘴尖有黑二殼此將眠之候也葉

不可多采

每眠並同

不眠者謂之青條定夙後用礬糠灰糝於面

上再用葉片剪開貼在夙上其青自來謂之引青捉之自盡

不可過遲遲則有起孃二眠出火多不齊矣

又將蠶夙細細拆開再用散石灰同

礬糠灰拌勻糝於面上或日光中或火爐上稍稍溫暖令蠶  
糝乾燥眠亦易起否則起孃食葉不齊也 **胡府志**蠶將眠

不勤食曰紅孃思

**吳興蠶書**結嘴停食曰眠蛻膚向食曰

起時寒則遲時溫則早此天爲之也冷看則遲熱看則早此

人爲之也 **烏青鎮志**初眠仍以竹筴細細分開去其殘葉不致傷于溼熱

**董蠡舟捉眠**

蠡食三四日而眠眠一二日而起是爲初眠俗曰頭眠自初眠二眠至三眠約半月三眠

曰出火出火後再眠曰大眠將眠則食不勤曰紅攬絲又有青攬絲言吐絲也亦作嬾思言嬾而思眠也他眠而此

猶食曰食孃亦稱青條眠起曰起孃眠則擿置他器曰捉眠頭

嬾思欲眠猶未眠青紅攬

出絲纏絲貯餘筐簞勤拂拭一一移置當窗前或食或眠難畫一先後相差無半日擿此未徧彼已眠兩手拮据不遑息傾耳沙沙聲漸小知是筐中食孃少眠頭欲盡又怯寒捉罷更將帷帟繞深夜捉眠多苦辛妾容無復桃李春三眠四眠蠡易老鏡裏紅顏豈常好

**董恂捉眠**

二眠四眠種各異欲眠不眠攬絲未小姑纔向

南潯志

卷三十一

農桑二

八

筐箔看道是今番不須飼紛紛多見紅嬾思只在黃昏眠可遲縱有食孃也不多緣枝求葉無三四囑姑慎勿貪戲頑晚餐端整炊疏食大家飽飯腹不饑捉眠好盡今宵事已眠未眠一分曲植籬筐忙位置手中碌碌猶不閒早見朝曦小窗至

餉食

**育蠶要旨**

初眠以後約一周或半周

量天時之寒熱

看蕘上有

白絲如絲謂之楊花蕘然後可以餉食或看其嘴上始白漸黃終至稍黑亦可餉食總以眠頭盡起爲度恐其早晚不齊也 **遣閒瑣記**凡眠起餉食如起孃不甚齊不妨稍遲以俟

其齊俗謂之熬

按餉式亮切俗誤讀餉如向乃以餉食爲送食非也

**廣蠶桑說**眠一

次則嘴闊一次衣寬一次布葉太早恐嘴已闊而衣未盡脫

者亦食之則腹大而未脫之衣脫不下矣

**董蠶舟餉蠶**

眠起始食曰餉食倍于前衡之重亦逾倍者里語謂之餉得起反是曰餉不起食盡曰葉

過因語忌而更也

眠頭捉罷夜未央蘧蘧一覺投匡牀筐中枕畔

兩同夢良人呼起將三商飛蓬雙鬢久罷櫛今朝偶到妝

臺傍梳頭未半娣似喚可是筐中有起孃女兒女兒新睡

起雪色肌膚倍肥美此時飼之勿太亟少緩須臾乃餉食

俄頃葉過惟留莖到耳一片風雨聲蠶身日長

上聲

篷日分

昔時一斤今五斤

**董恂餉蠶**吾鄉育蠶以斤攆不以城中筐數論一斤出火

至大眠稱得五斤已無恨今歲儂家喜氣多卻於此數更

有進蠶眠已過一晝夜餉食須教者時趁大婦提筐采葉

南潯志

卷三十一

農桑二

九

歸小姑提甕汲水潤密堆層疊筐籬中一色綠雲最嬌嫩

到耳欣聞切切聲纔得須臾食已罄傾籃倒籠從頭添敢

令遲延致饑困

二眠

**育蠶要旨**看眠頭如頭眠法惟餉食不比頭眠及出火

不可過熬

大眠餉食稍嫩亦不妨

大凡天氣寒暖調勻收蠶至上山一

月為期初眠七周二眠四周出火四周大眠四周上山七周

其中有餉食數周故時候如此但隨天時為轉移當七周五

周亦可當四周三周亦可過月者無是蠶也外三眠子無出

火只有大眠其時較速更有頭二蠶雖是四眠比尋常四眠

稍早其子即可育二蠶

杭州山中并有三蠶四蠶五蠶然不似吾湖育蠶沿門闔境也

**西**

**吳蠶略**二眠退皮長二分許黑色退而漸白食葉聲亦稍大

出火

**育蠶要旨**看眠頭如上法見眠半周後必即用葉片引

青倘天熱尤不可遲

起恐其有孃也

初二眠折麩即當燥麩出火則

眠齊後徑將眠頭捉出其麩棄之乃用秤權之

近時廿四兩秤

共捉

若干將簋用礬糠灰鋪底置蠶于中每簋或三斤四斤皆可

上用散石灰稍稍糝之鄉人謂之供俟有起孃即用麩子預

先曬乾拆開放在面上起孃不至沸騰如天陰用稻柴剪斷

亦可起齊後方可餉食如蠶少買出火須擇其絲緒纏繇者

為上 **西吳蠶略**長約三分映光照之頭作碧色乃出火之

候起齊後方可布葉聲如小雨

**烏青鎮志**出火後不事竹

筴用手一一取下秤定分攤筐中又有復生小蠶者為長

上聲

孃 **遣閒瑣記**舊法小蠶用火至三眠去之故名出火近多

南潯志

卷三十一

農桑二

十

不用火而出火之名仍相沿不改蠶多則論斤鬻之少則買

之俗曰撥出火蠶出火後始有長孃至上山時亦隨母作小

繭 **虞兆滙**天香樓偶得俗以第三眠為出火不列諸眠之

中因以未眠并頭二眠為三眠三起實則四眠四起也

**金鍾秀蠶事新樂府**賣出火一眠再眠蠶漸粗十株五株

葉漸疎時當出火葉已盡眼看蠶饑心不忍買葉既無錢

蠶死尤可憐賣蠶一半來街前以之買葉蠶兩全嗚呼養

得蠶多收豈寡君不見今年芒神圖上三姑把

大眠

**育蠶要旨**蠶至大眠好歹已定一半好者眠中齊集稍

有青條蠶身均勻並無大小其色青白若一周外尚不眠青

條無數布漆甚多其面必當棄之凡出火一斤得大眠四斤

爲四斤捉得五斤則爲五斤捉看眠頭如前法惟餉食時候  
比出火可早食葉可灑水氣水葉終不可喫 **遣閒瑣記**末眠爲大  
眠卽大起也此時尤須勤**蕪** **廣蠶桑說**大眠起後食葉愈  
速能一晝夜食葉十餘次則五晝夜卽老矣能多食數次更  
好蓋此時多食一口葉則上山多吐一口絲故唯恐其食之  
少

**蕪括** **育蠶要旨**蠶性喜溫而又惡溼熱故必蕪括蕪必剝去  
底下一層不使溼熱薰蒸括則取其面上一層而蕪中猶有  
蠶在內必當搜剔淨盡倘有殭爛白肚空頭等蠶棄之無遺 故無論寒暖每日  
宜蕪括一回而出火及大眠時爲尤要更有救逆之法如爛

肚傷熱之故吐水白肚二種氣水葉空頭小蠶時失葉饑傷布漆身有黑斑點之故

南潯志

卷三十一

農桑二

十一

必須勤蕪方不傳染如殭蠶傷冷之故癆孃不上葉生種時對得不深可噴燒  
酒或甘草水又法以馬毛鋪在蠶器內可免諸病倘大眠後  
放地蠶不必蕪括 **湧幢小品**大起則蕪蕪則分箔蕪早則  
足傷而絲不光瑩蕪遲則氣蒸而蠶多溼疾

**董蠶舟出蕪**

葉過後枝莖雜蠶矢充積筐中蠶棲其上久則氣蒸於是置網於筐鋪桑於網蠶就食集

於葉上乃舉網而出之移置他器曰出蕪筐中之枝莖及蠶矢謂之蕪子俗呼蠶沙垃圾以壅地則桑倍肥 大

起已後食倍加須臾止賸枝槎枒枝間遺矢更狼藉積來  
箔底何紛拏滓穢叢殘待捐棄始可再將新葉飼更欲移  
蠶置別筐一一摺拾談何易惟將罍麗筐上張網中層疊  
敷柔桑蠶從網下來就食一網舉之誠善策枯莖蕪出芻  
狗陳明日晨炊可代薪豈徒饜下供所乏更得草人土化

法亭亭如蓋桑陰遮得氣全賴壅蠶沙

**董恂出薶**葉裁如縷蠶猶小葉細無餘薶亦少自從出火過三眠大葉粗枝似芻藁須與葉過只留枝倘教檢取亦難了卻將絲網置筐中一網出之計誠好枝空留作爨材供細沙肥沃宜桑稻鄉人勤苦棄物無能供所需便堪寶最憐竭蹶一月餘徒說山頭如雪皎待到絲成繇白時唯此區區可相保

鋪地 **育蠶要旨**大眠餉食一周可放地蠶但著地必鋪石灰及草柴柴不可多方免寒濕及蛇蟲 **胡府志**藉蘆蕨而散蠶其上 **吳興蠶書**遇天時潮悶宜取乾茅草切細勻撒蠶面上飼以葉可以隔其熏蒸也

南潯志

卷三十一

農桑二

十二

**董蠶舟鋪地**

育蠶多而盛蠶器具少者大眠後鋪蘆蕨於地置蠶其上謂之地下蠶郡中及他方盡然

吾鄉則十家中無二三也

唯濱太湖諸村與郡中同

出火五日大眠過吾家蠶具備

未多區區筐曲盛不足籌量無計將如何打頭賴有三間屋几榻不妨盡度閣埽地平將蘆蕨鋪暫借坤靈作蠶簇僅餘臥室在東箱上羅箱篋下支牀此際已難居八口來歲小兒又娶婦只願蠶花收倍豐不愁明年無處容別築新居高百堵華堂即是鋪蠶所

**董恂鋪地**

今年大眠十倍捉蠶具翻嫌置未足具少蠶多

可奈何幸得儂家富於屋房軒用當箔與筐埽除苦乏僮和僕深賴青紅兒女多一握稻柴如帚縛各自東西灑埽忙蘆蕨平鋪卽蠶笛只教有地可著蠶違計此身偏跼促

況是蠶多食亦多堆葉還須讓屋角臥牀亦撤挂梁間倘  
要安眠待蠶熟

搭山棚 育蠶要旨空屋一間要乾燥通風離地約四尺高中  
用數根木橫住上鋪蘆簾簾上有帚頭立起蠶安其上卽爲  
上山 遣閒瑣記山棚宜寬蠶多棚小則同功繭必多 吳  
興蠶書又宜暗老蠶見亮光輒遊走無定不卽裹身蠶上齊  
後所有窗戶悉宜遮掩蠶之成繭不能無所依傍故棚上須  
立草帚

董蠶舟搭山棚

室中架竹木高五六尺布蘆簾圍草薦列  
草帚於簾上置火其下有力之家度室之

廣狹削木如其長廣一尺餘厚五之一四足如杌子狀謂  
之山棚竟用省架木之勞府志云去蘆簾尺許以細竹結

爲方孔用以架草謂  
之花格竹吾鄉所無

大眠餉食蠶多老料理山棚須及早

盡將家具度梁間慚愧儂家屋較小架木倚竹結構牢去  
地未及一仞高布以蘆簾平似砥草薦三面圍周遭上轟  
帚頭下擦火棚底痾儂往來可何須更列花格竹不致欹  
傾亦已足經營拚費一宵功切誠兒曹毋欲速鄰家家富  
貪安閒新製雙凳厚且堅因斯結縛遂草草棚倒覆火蠶  
被難我家力不能辦此無恃乃得常無患 平山棚歲歲安  
如山

董恂搭山棚蠶老須置山上頭搭山縛棚屋四周中央巨  
竹橫又縱上鋪蘆席如平疇高低結束事羸了忽聽笑語  
談湖州不知花格竹何取工夫破費真無謀豈如儂家最  
省便一般作繭無他愁上安蠶帚下灼火也如戶牖同綢

繆只憐屋低立難直終朝棚底行傴僂但願今番得大熟  
明年起屋高於樓

架草 育蠶要旨 帚頭之形與筮帚倒轉相似要灑得開立得  
穩不至眠山 湧幢小品 作繭用柴帚以禾草爲之長尺有  
咫大可一握散布登蠶其上有至二三重者

董蠶舟架草 截禾稈長二尺許大可一握散其兩頭剉切  
平之繩束其中列置山棚上使蠶憑以作繭  
名曰帚頭冬春間東作未興或風雨長夜預取秸藁縛  
束剉斫謂之斫蠶忙柴有惰者至以高價購諸鄰人云 禾

稈一握二尺高縛作帚狀繩束腰兩頭剉切平若砥矗立  
豈復愁傾搖架構山棚已就緒左右前後排以序斜斜整  
整密於林犬牙出入相撐拄去歲豐收饒稻黠結來草堵  
如高崖冬春白米已上囤乘閒先斫蠶忙柴不憚勞勞到

南潯志

卷三十一

農桑二

十四

深夜閒時肯忙忙得暇今朝用去尚有餘賣向鄰村博高  
價

董恂架草 去年田熟多收稻清白枝枝不枯槁先留今歲  
蠶忙柴幸是藏多不嫌少須教平截一樣齊二尺許長乃  
正好每草一握中束之散其兩頭計亦巧不疏不密置山  
頭不高不低互相繞簾上先教次第排那容欹側愁傾倒  
日來寢食竟無閒架草搭棚事難了聞說鄰家繭已成來  
歲收蠶也宜早

上山 育蠶要旨 將上山則有考孃 考或 色黃收身不欲食葉  
與欲眠同而沸騰不已周身透明與欲眠異 倘透明而無絲  
腸又是空頭由

於小蠶時餓也小蠶不可失  
葉直至上山始見悔之已晚 或云蠶沙入水浮亦欲上山也

上號好蠶上山後卽做半周卽如白雪謂之裹身一周有聲  
兩周無聲在內細作人不可動四周做好方可採取如上山  
不做繭必是爛死彊蠶及白肚見有兩周後尚不做者卽當  
輕輕拾去不可使其壞在帚上有礙好繭也 湧幢小品大  
起六七日爲熟巧爲登簇巧以葉蓋曰貼巧驗其猶食者也  
簇以藁覆曰冒山濟其不及者也

**董蠶舟上山**

蠶將熟脰節瑩徹吐絲繚繞謂之繚孃於是  
撒置山棚上曰上山一二日間皆作繭矣郡

中上山後往往有白蠶之災所見之地蠶  
繭一空故擊鉦鼓以驅之吾鄉則無是也

繚孃不眠亦不

食脰節通明無葉色撒向帚頭俾作繭早晚不過一二日  
盤盂一一各分盛盡喚家人來并力儼似迴風舞六花飛  
空齊向山頭擲日未過晡事已竣久勞得逸翻欠伸棚邊  
席地聊假寐瞢騰睡思濃於雲何事鄰人競奔走伐鼓攃  
金疑逐寇婦女駭詫兒童藏共說弁山來白蠶聞言瞿然  
遽驚起浸階明月涼如水夢想顛倒乃若是一笑吾鄉本  
無此

**董恂上山**

縛棚初就蠶都熟已見繚孃滿蠶箔合家飽食

趁朝閒摒擋今朝蠶上簇小兒捉蠶盛向盤大兒上蠶據  
山角取蠶散布蠶草間疏疏密密山頭蠹今年蠶好勝往  
年卻苦山棚限于屋上山已罷暫休息棚底相偕坐瑟縮  
小姑作勞倦不支看山卽向山旁宿關心忽憶嫁衣裳軋  
軋聲驚眠不足

**金鍾秀蠶事新樂府望山頭**

手攜一榼來殷勤小姑大婦

歡迎門牽衣共至簇山下大家吉語相温存爲言瓦卦今年卜廿四分收意良足明朝當賽馬頭神款留一醉老瓦盆

擦火

育蠶要旨山下著火一周用炭火甚旺

遣閒瑣記南

潯去城七十里耳城中曰養蠶南潯曰看蠶其名已異又城中蠶以筐計葉以箇計南潯則並以斤計而育蠶風氣不同之處甚多卽如山頭草帚城中以稻草屈而扭之兩頭向下其形下大上小南潯稻草不屈束腰偏下其形上大下小又棚下擦火城中必蓋以灰不欲其過熱南潯則必吹使極熾蓋城中作肥絲南潯作細絲各有所宜也又有冷種不必用火

火

湧幢小品湖郡每蠶忙時必有小鳥連叫曰灼山看火

南潯志

卷三十一

農桑二

十六

其聲清澈可聽蠶畢則止蠶室暖育者倦極常有火患

烏

青鎮志蕪炭山棚下曰擦火

廣韻擦桑割七曷二切

使熱上升則乘此

縈絲作繭不停口而盡出腹中所有矣

董蠡舟擦火

上山後遇輕陰薄寒卽蕪炭於山棚下蠶喜温和故也縣志謂之炙山吾鄉謂之擦火亦

曰灼山府志云先是有鳥鳴如曰葉貴了至是又鳴曰灼山看火意似相警者吾鄉亦有之

棚底輝輝

燭火爛老瓦盆中熾薪炭更番守視不違安自明至昏又達旦性愛温和怯寒沍要得微陽相嫗煦煥氣掀騰舉體熱乙乙抽毫絲不絕靜中似聽唧唧聲山頭作繭半已成去歲連旬不開霽市中炭值頓翔貴今年天氣猶暄和差喜所用猶無多祇恐周防稍怠慢祝融回祿能爲患東家峩峩好堂宇可憐一炬成焦土樹杪禽言如警我請君灼

山須看火

**董恂擦火**山前山後聞鳥聲灼山看火作意鳴蠶性愛暖要火力紛紛薪炭盆中盛山頭繭密白似雪山下火烈同光明繭聲唧唧響不絕祇覺暖氣周掀騰全家聚坐共閒話門外忽爾喧囂生東家擦火失防檢不幸飛燄延柴荆四鄰奔救咸歎息可憐一炬無餘贏歸來舉室共相戒慎勿貪睡當兢兢

回山 **育蠶要旨**如用火三周回山不用火四周回山 不動不

如少人做絲可遲一周回也 每出火一斤收繭五斤為五分十斤為十分

稱繭 廿四兩秤 或八斤或七斤為一弔 不可再少恐做絲單薄無神氣也 兩弔可

做絲一車必須安放簾內令其涼爽毛繭易蒸恐其出蛾也

南潯志

卷三十一

農桑二

十七

**吳興蠶書**嘗取四眠蠶之眠頭與繭細較之出火蠶一兩約計二百五十六七箇大眠蠶一兩約計六十三四箇是出火長至大眠實增四之三好蠶每兩計二十二三箇次者計二十六七箇是一兩大眠箇箇成蠶好者應得三兩次者應得二兩六七錢俗以蠶一斤得繭二斤為對花猶屬八折算也採齊秤準庶知一歲蠶事之豐歉 **湧幢小品**三日而闢戶曰亮山五日而去藉曰除托七日而採繭為落山 **烏青鎮志**過三日撤火開戶去蔽令風燥透繭易于繰絲否則類多難繰而虧折寡斤兩矣

**董蠶舟回山**

上山七日後採繭曰回山縣志云大起時稱得繭一斤為一分遞增至六七分為中平十二分為上上

二分為中平過則得利不及則失利吾里則以出火一斤

矣諺云蠶花廿四分  
乃頌禱之夸祠也

西鄰傷冷蠶則疆東鄰過熱蠶破囊

功敗垂成自古有奇變難防上山後山前百徧行徘徊七  
宵魂夢常驚猜凌晨一眺喜過望滿山雪壓光皚皚蹋壁  
大聲呼起起吾家今日回山矣繭多還恐器難盛檢點瓶  
壘及筐篚勻圓萬顆明珠垂間以黃碧光陸離堆來高與  
山棚齊不須如甕誇神奇持衡細把分數計何敢癡心望  
廿四卻嗤老媪太貪愚還祝明年勝今歲

**董恂回山**屈指上山已七日山頭璀璨堆如雪層層密壓  
滿四圍蠶簇不分只一白明珠纍纍相貫聯不須如甕誇  
園客今朝已屈回山期相呼并力全家集男兒取高還取  
低婦女采疏復采密只愁繭多無處盛草節桑籃盡堆積

南潯志

卷三十一

農桑二

十八

去年記得十分收何幸今年 倍得爭把權衡度重輕婦  
姑兒女齊歡悅

**董正採繭**圓勻白雪播山巔采采如雲滿眼前匝一月中  
眠食廢鳩鳴又是鴟鳴天

選繭

**育蠶要旨**剝去繭衣擇其圓白者其中有同功繭

一繭  
兩蠶

黃繭綠松繭棱角繭

限於地而不能  
舒展故不圓

尿暈繭

為他蠶  
所汙

爛死繭

作繭後  
即死

薄繭

力不  
足

香眼繭

大眠後為麻蒼蠶所齧作繭後其  
蠅子自出而有此眼也蠶時蒼蠅

必須常拂點  
綫香亦避

當一一選出然後其絲光而且白鄉人往往貪

重選之不淨以至其絲黑色其實多而不精無益也況所選  
出各繭亦非無用同功繭上者可做絲次可剝繅黃繭綠松

繭可做經絲亦可做緯絲

黃絲染紅  
色最鮮

棱角繭亦可剝繅尿暈

繭可做粗絲爛死繭薄繭可做避花香眼繭亦只可剝繭外此者做絲所剩滯頭及繭衣此二者當煮熟河中敲軟可打絲綫沙麩可作壅蛹可燭食亦可作壅蓋蠶之一身無一物無用也

**董蠶舟擇繭**

按府志繭之類不一有被汗而緒裏者曰推出垂成而蠶死者曰烏頭蠶口傷不能爲絲

者曰縣繭兩蠶共成一繭而緒亂者曰同功又有黃繭碧繭黃者緒粗碧者質厚此類皆別擇之以不中纈也繭外散緒曰繭衣俗謂之繭黃助擇者剝剔去之卽爲所得以代雇值云呼兒堂前撤山棚命匠

新造絲車成速招鄰媪助擇繭選來晾趁天晴明縣繭黃繭區以別良苦醕疵細抉擇今年差幸少烏頭不乏同功與推出此類惟供煮作絲其餘一色光瑩然繭衣蒙戎搓作團持贈鄰媪爲傭錢留取幾枚白勝雪去蛹藏儂鍼綫

南潯志

卷三十一

農桑二

十九

帖他時攜往阿母家情人剪作鞦頭花

婦女剪繭作花置鞦頭上繡以綵絨

曰鞦頭花里俗所尚

**董恂選繭**烏頭推出繭不一更有同功纈不得儂家幸是好蠶花潔淨光明同一色東鄰西鄰繭更多碧繭黃繭不勝擇倩儂相助遴選之卻緣晾繭無暇日偶遣嬌女暫分忙可笑童心猶似昔翻將白繭幾許藏道是明朝逢午節鏤出新花待繡鞦剪成飛鶴堪簪髻排車作竈事紛紜坐向深閨不肯出

纈絲

**育蠶要旨**

絲欲其細而白欲白必多換湯水欲細不可

惜工夫又絲竈必須用煙囪使煙直透絲上無煤氣燒柴亦須揀擇最好是栗柴桑柴次之雜柴又次之切不可燒香樟

其氣能使絲紅色絲必欲其好做好做則蠶蛹身上無衣絲多而工夫不費若好做而繭選得白是爲上號倘繭白不好做終是次號因繭在湯中多滾去其顏光矣其故由於上山時潮溼悶熱則絲必不好做上山之不可不講究如此 吳興蠶書絲之高下出於人手之優劣同此繭同此斤兩一入良工之手增多絲至數兩而勻細光潔價高而售速故不可不慎擇其人也 志 稟近時多有往嘉興一帶買繭歸繅絲售之者亦有載繭來鬻者繅時熾炭於絲輪之下則絲速乾而有光謂之擦車頭火

徐有珂 縲車圖說縲車之制其牀方有四柱下近足處四面皆有橫檔上則兩旁及後有之而虛其前前兩柱名鉗

口腳鉗其首以受軸軸轄四出其一可脫以軫抵之則牢固軸左端架於鉗口右長出鉗口外有頸其端有鶴嘴一縱一橫嘴卽搖手搖手之轉腳踏以運之也腳踏板之根釘於地耳上出貫腳板板形似鞵底上植一柱如股又作活脫筍而出一臂磬折而前鑿其端以納搖手故腳踏其板則臂一前一卻軸向前自下而轉矣車之後二柱左爲太平腳右有仙人椿上穿母樣橈如磨耳上出又旁上出搖釘頭帶一橫挑其末虛穿左柱之首故左柱之首或夾兩釘或有三稜穿焉橫挑上列送絲鈎三俯其鈎以鈎絲緒母樣橈細腰腰帶長繩套於軸頸軸直轉而母樣橈平轉則橫挑東西往來而絲之上軸也其緒不直矣後柱左右

橫檔穿入出柱之外謂之龍頭安車時常出鑊上端立牌樓牌樓如匚形虛其右上三垂以竹篠橫貫竹牽子三下傍橫挑釘絲眼三皆前出縲絲者從沸湯中以竹篴揚緒去其緒端而以鍼綫納緒於眼自內上纏牽子下出而遙縮於送絲鈎以拋於軸軸圍以布謂之車衣布緒纏於布軸動於踏則軋軋而抽矣 牀廣一尺八寸有半縱贏四寸有半鉗口腳長二尺五寸五分濶五寸厚二寸太平腳長厚亦如之濶四寸六分其有三稜穿者長不在此數仙人椿高一寸八分圍徑一寸二分母樣橈身徑三寸八分腰徑三寸耳高一寸搖釘頭長四寸送絲挑長三尺龍頭長三尺軸梗長三尺左頭徑二寸六分中徑三寸右頭徑

二寸八分鶴嘴長一尺搖手長六寸受活脫轄之眼面濶五寸底濶四寸軫長六寸長轄長二尺一寸呆短轄半之蒲柱長一尺七寸二分厚一寸八分濶二寸八分腳踏板股長二尺四寸臂亦如之牌樓內腔高一尺六寸廣二尺五分 凡安絲車必嚮內而背明縲絲者倚湯鑊設春橈時坐時立一足踏板一足着地立以送緒也龍頭出鑊上故牌樓亦出鑊上竈門煙囪必在左燒火者常向右煙囪下以土擊近一丈則以竹筒接出屋上近有用洋鐵者凡安絲車必後高而前低後足墊以石四足絆以繩置盤石於中以鎮之恐其走也軸前設火盆熾火以烘絲使出湯而卽乾也否則併其緒而不可分

董蠡舟纒絲

曝繭於烈日曰晾繭陰雨則火烘之使蛹不化得以徐纒之絲之粗細視繭多寡三四枚

合成一緒者細至七八枚則粗又有三眼兩眼之別其輕重以車計每十兩為一車宋雷西吳里語云細而白者曰

合羅稍粗者曰串五又粗者曰肥光吾鎮唯有細絲肥絲肥絲多同功繭之不亂者所纒俚語謂之唐公絲聲之譌

也諺曰小滿動三車謂油車水車絲車也

舍南舍北綠樹濃軋軋聲徹村西東

竈燎薪蒸傍熾炭穀回軸轉如旋風蠓眼已過湯正沸赤

手招來緒無既如衣挈領網在綱眾縷皆從一頭曳一蠶

為忽十忽絲繭數由來多寡異三眼兩眼復不同纒成以

此分粗細手拏足踏珠汗淋阿姑憫儂勞不任令儂少息

起相代追涼閒步來深林林邊偶值鄰村媪為語今年絲

好作

去聲

立談半晌急趨還如雪刺梅滿歸路入門相視一

笑譁滿頭插徧纒絲花

南潯志

卷三十一

農桑二

二十二

董恂纒絲

絲車有三眼兩眼之別三眼為細兩眼為粗細絲每車三板粗絲每車兩板凡絲之輕重以兩

計或十兩為一車或十餘兩或二十餘兩至不等也鄉人故有大車頭小車頭之名

絲成論車以兩

計兩眼三眼別粗細手撩足踏爾許忙爇炭焚薪水百沸

鄰家老翁身手好一樣作絲更光膩他家蠶早絲已成聞

說歇車已無繼當時儂早下聘錢一車兩車肯儂替阿姑

助理不勝勞換水添薪最留意白繭通教纒合羅其餘只

好肥光曳更抽黃繭作絲團奉與阿姑姑所熹

董正纒絲嘈嘈風雨小車聲白雪紛綸耀目明東市賣絲

春稅足茅檐猶幸責逋輕

剝蛹

胡承謀府志纒絲未盡之繭曰軟繭剝以作縣縣之下

者繭中蛹俗謂之蠶女

董蠶舟剝繭

繭質過厚且粗繅時浮沈水面不得盡其緒曰軟繭留以作絲取蛹棄之或以油煎食之

曰燭蠶女

串五合羅繅罷早蠶事今年已粗了農家那得常優

遊薄筐滌淨俱藏收煮餘軟繭猶堆積緒亂質粗繅不得少遲便恐蛹蒸腐棄置未免同雞肋綻衣縱未純絲如撚絰作綾原無殊剝來蠶女煎作鮓堆盤還足充庖廚投筋令予三歎息藉爾謀生翻爾食漠然未是負心人世上紛紛怨報德

董恂剝蛹繅絲煮繭事已竣良人岸水忙插田呼兒洗刷潔蠶具阿儂今日多空閒鍋中臍繭軟且薄絲頭已斷難相聯其中蠶女猶待剝莫教臭腐徒棄捐趁此長日一事無相偕去蛹臨窗前沸湯浮沈煮已熟薄者澣絮厚者絲

南潯志

卷三十一

農桑二

二十三

地藏王誕日已近燒香茹素年復年他時抱向街頭賣施與和尚為香錢

作絲 育蠶要旨剝絲有環絲手絲之分手絲剝在手上環絲則有竹環

董蠶舟作絲

絲有頭蠶二蠶之別以頭蠶為善絲亦如之絲之上者同功繭所作謂之純絲推出次之

蛾口又次之烏頭軟繭為下繭已出蛾者為繭曰蛾口繭軟繭為繭曰軟繭繭用織絲網其餘概曰繭而已作繭須晴日陰雨則繭不速乾而纒脆俗謂作繭曰剝絲兜 清風冷然日卓午煮繭香中聞

轆釜老晴難遇熟梅天妯娌相將同剝絲蛾口居後同功先竹架彎彎白月圓土銼烈烈朱火然瓦缶漬以泉涓涓水中擘出架上懸當風高挂蓬門前潔如素紙薄且堅笑謂小姑速相助先著袴襦奉翁嫗仲冬二七是良期雙星

已近銀河渡好染新紅裝嫁衣與姑將向郎家去

**董恂作繇**同功推出不中繅用以作繇白且嬌更有蛾口  
好種繭汲水同向鍋中燒陰雨怕近入梅候朝來喜見晴  
光搖相偕妯娌趁早起劬勤那惜身手勞瓦盆漬水潔且  
淨輕剖重掣十指操疊成一繇繭八九竹竿挂向風中飄  
卻憐盡供償通用温暖只讓財奴驕何曾作絮身上著嚴  
冬不免寒仍號

**澥絮** **遣閒瑣記**水絮一曰繭黃一曰澥花一曰滯頭並須煮  
熟水中澥之又有絲捻頭不必煮澥皆以撚繇綫但視純繇  
爲費功耳其中以繭黃爲上

**董蠡舟澥絮**

軟繭之厚者以作繇其次則煮之承以  
澥浮水而漂擊數過卽成絮名曰澥花

新絲

南潯志

卷三十一

農桑二

二十四

賣出償加一新繇準折還租畢僅餘軟繭是粗材區區猶  
是農家物春花豆麥方登場夏至已過齊插秧阿儂此際  
獨無事剝煮功多趁日長煮成要借清流激小竿持至溪  
頭擊揀取一方涼最多柳陰濃處來泝澥晚來邂逅東家  
姝爲言夫婿耽擣蒲漂成攜向博場去不足供渠一夕輸  
**董恂澥絮**擇繭縑絲事已畢軟繭剝繇薄難疊亂頭墜緒  
更紛紛倘教棄置寧無惜幸喜今朝事不忙繭衣同向湖  
邊澥篷底平鋪水面浮綠楊陰裏無炎日一手持竿擊不  
停跳珠那顧霑衣溼卻有鄰孃作伴來渡頭閒話消岑寂  
道是新絲賣不留好繇又爲私逋質賴此粗庸不值錢至  
今尙是農家物

生種藏種

**吳興蠶書**留種之要在先擇蠶大眠後當揀取整

齊強健之蠶日以蘇頭葉飼之

蘇胡貢切枝頂最茂盛也

一切驟換諸務

更宜勤慎老則另棚上之

**育蠶要旨**種為來歲之計最宜

講究種蠶當另行看開必頻頻飼之不令稍餓上山時不可

用火採繭後安放靜處十八周後

如天熱不到此候

有蛾飴出其繭

口金門為上

黃色

銀門次之

白色

出蛾後

總在五鼓飯後即有之亦稀少

即對對

媾也淺交不可過交亦不可

如未對即將雌雄捉成對

如雌多雄少雄蛾可復對解開時須

深黃昏方可

約申刻解開將布一方挂在空中捉蛾放上

亦有紙者

自能抱布須臾即生子矣出蛾當分三朝初朝不過數十隻

第二朝極盛三朝又少以後不可用矣

**吳興蠶書**原蠶生

子皆圓轉如錢不與諸蠶同至夏蠶之子則又散布而不成

南潯志

卷三十一

農桑二

二十五

圈矣

**育蠶要旨**收藏布種之法生種後其色必戰紫戰色

後可用石灰篩在上面交夏時必須用絛薄包外面用紙裹

好恐有蠹魚傷子待浴種時再打開浴後仍必包裹來歲方

得無礙

**烏青文獻**沃以縑絲之湯則子不落貫以桑皮忌

麻苧之綫懸於涼處忌煙熏日炙大約留種繭十斤可得三

眠之蠶四十斤

擇繭之尖細堅厚者腰小者雄也腰大者雌也相兼而收

**董蠶舟生種**

大眠起擇蠶之健食者別置之倍與之食作繭與他繭異俟蛾破繭出取紙一方引蛾布

子其上謂之蠶布種蛾生子後棄水中府志曰小兒引蛾置水貧旋轉而遊祝曰阿蛾轉團團今年去了來明年

種蠶食葉一倍多作繭別貯留生蛾輪困密緻厚且白持

比他繭難同科閉置笥中過旬日栩栩齊看破口出龐軀

粉翅兩眉彎雌雄相對排成列赫蹠裁來一尺長將蛾引

著紙上方少焉生子已布滿如芥如粟紛難量鳥盡良弓  
藏不用一時齊向東流送贏得兒童喜欲顛祝伊去了來  
明年

**董恂生種**

蠶蛹之化天暖旬餘即出然極遲亦無過十八日者故俗有蛾頭長蛾頭短之語

種蠶

食葉倍於眾種蠶作繭大如甕莫辨蛾頭短與長已見蠕  
蠕繭破縫須臾蛾口出紛然粉翅修眉堪鄭重雌雄相配  
各成雙軀腹胫肛子已種引蛾紙上密密生紛紜散布無  
缺空似此么麼細已甚衣被翻爲世所用一年一度轉團  
團功業何人能與共卻恨蠶家太負心佳種生成水濱送  
**溫豐詠蠶蛾**倏忽三生幻薈騰一夢長眉彎誇號國粉白  
肖何郎對對交還固營營態更狂小姑年十五覩爾費猜

南潯志

卷三十一

農桑二

二十六

詳

望蠶信 **遣閒瑣記**鄉人極重望蠶信有不至者以爲失禮蓋  
非特蠶時禁忌久絕往來亦以蠶事爲生計所關故重之也

**董蠡舟望蠶信**

謝肇淛西吳枝乘日吳興以四月爲蠶月家家閉戶里閭往來慶弔俱罷不行謂之

蠶禁吾鄉里語謂之關蠶房門至纒絲時戚黨咸以豚蹄魚鱸果實餅餌相饋遺謂之望蠶信

親串過從

情密邇昏姻不出一鄉裏課晴問雨每相偕只隔盈盈衣  
帶水一自蠶房深閉門從教彼此絕音塵不知蠶信今何  
似消息傳來苦未眞算來前日回山始料因今日纒絲起  
江魚白白枇杷黃去問諸姑及伯姊沸耳伊軋搖車聲絲  
竈滿室縱復橫入門一笑不須問黃上眉間喜氣盈

**董恂望蠶信**育蠶無奈忙蠶節親朋遂使音塵絕道是蠶

家禁忌多不教來往成疏闊邇來鄰右競回山聞說收蠶  
同一日未識收花得幾分搖船親自探消息門外相逢一  
笑迎紅燈昨夜花曾結入門無暇道寒暄致語先教詰得  
失歡呼只有稚兒慧翻道客休問盈歉試聽儂家軋軋聲  
絲車十部縑還急

賣絲

湖錄

小滿之日必有新絲出市諺云小滿見新絲

沈樹本城南棹歌白絲縑就色鮮妍賣與南潯賈客船載  
去姑蘇染朱碧阿誰織作嫁衣穿

董蠡舟賣絲

鎮南柵有地名絲行埭列肆購絲謂之絲行  
商賈駢坐買絲者羣趨焉謂之新絲市行有

京莊廣莊經莊  
劃莊鄉莊之分

閭閻填咽駟僮忙一榜大書絲經去聲行就

中分列京廣莊畢集南粵金陵商商多竊揣絲當貴亟向

南潯志

卷三十一

農桑二

二十七

絲行埭上賣一車值不盈三千牙郎吹毛恣狡猾相逢南  
舍足穀翁亦爲買絲來市中向予搖手呼莫莫留待明年  
高價鬻深感翁言良不誣其奈霹靂飛縣符打門胥吏豺  
狼如不爾何以輸官租況復私逋遞相促二者兼償猶不  
足典去布襦幾時贖袴露兩尻跣雙足三旬勞勞睡不熟  
那得一絲身上著

董恂賣絲

吾鎮絲市最盛向之頓葉  
者至此則轉而頓絲焉

初過小滿梅正黃市

頭絲肆咸開張臨衢高揭紙一幅大書京廣絲經行區區  
潯地雖褊小客船大賈來行商鄉人賣絲別粗細廣莊不  
合還京莊行家得絲轉售客蠶家得錢不入囊急尋過付  
算私債所負加一錢須償償時不難借亦易小民意計工

周防那知贏餘卻有限年年空爲他人忙

**董攀龍**潯溪竹枝詞街頭五月賣新絲奠價無煩設市師  
今日廣南來大估月明侑酒唱歌兒

**溫豐南**潯絲市行蠶事乍畢絲事起鄉農賣絲爭赴市市  
中人塞不得行千聲萬語聾人耳紙牌高揭絲市塵沿門  
挨戶相接連誼譁鼎沸辰至午駢肩累跡不得前共道今  
年絲價長番蛛三枚絲十兩市僧販夫爭奔走熙熙而來  
攘攘往一日貿易數萬金市人誰不利熏心但教炙手即  
可熱街頭巷口共追尋茶棚酒肆紛紛話紛紛盡是買與  
賣小賈收買交大賈大賈載入申江界申江鬼國正通商  
繁華富麗壓蘇杭番舶來銀百萬計中國商人皆若狂今

年買經更陸續農人紡經十之六遂使家家置紡車無復  
有心種菽粟吾聞荒本逐末聖人憂蠶桑太盛妨田疇縱  
然眼前暫獲利但恐吾鄉田禾從此多歉收

**酬神** **遣閒瑣記**里俗所祀蠶神曰蠶王天子曰馬鳴王菩薩  
又有蠶花五聖 **育蠶要旨**凡寅申巳亥年大姑把蠶子午

卯酉年二姑把蠶辰戌丑未年三姑把蠶

按馮應京月令廣義作四孟年大姑

四仲年二姑四季年三姑與今俗所傳者異

**董蠶舟賽神**

府志曰俗呼蠶神曰蠶姑其占爲一姑把蠶則葉賤二姑則葉貴三姑則倏貴倏賤吾鄉

俚俗亦有是說又叢祠間有壞婦人像而乘馬者俗稱馬鳴王即搜神記所載馬頭娘也近日始有立廟祠苑窳者育蠶之家出火大眠時皆祀神謂之拜蠶花利市其禮視蠶畢之祭爲殺云 **沍寒驟暖蠶無疴**

燥溼有患煩護呵蛇鼠不耗葉不貴蠶姑降福亦已多貧

家何以酬神惠牲醴潔蠲恭報賽挈籃市物向街頭拚把  
新絲一車賣花冠雄雞大彘首佳果肥魚舊醪酒兩行紅  
燭三炷香阿翁前拜童孫後孫言昨返自前村聞村夫子  
談蠶神神爲天駟配嫫祖或祀菀窳寓氏主九宮仙嬪馬  
鳴王眾說紛綸難悉數翁云何用知許事但願神歡乞神  
庇年年收取十二分神福散來謀一醉開圩明日到處同  
插秧農父多忽忽又將疊鼓祈先農

董恂酬神育蠶有秋生計足蠶家有願向神祝今年大好  
稱意收酬神拚費絲一握九宮仙嬪馬頭孃稽首焚香更  
燒燭甕中有酒新釀成割得雄雞配猪肉願神覆庇自年  
年絲滿筐籠繭滿箔大兒祈禱拜不休小兒索果爭嘔哭

南潯志

卷三十一

農桑二

二十九

迎神已罷還送神酌酒撤肴事忙碌晚來團坐聚堂前得  
意高談散神福

田家占驗

志稿正月元旦侵晨占風東南來則稔東及東北

次之西則歉一日爲雞二日爲狗三日爲豬四日爲羊五日  
爲牛六日爲馬七日爲人八日爲穀九日爲蠶十日爲麥晴  
則吉一日得辰爲一龍治水至十二日得辰爲十二龍治水  
少爲雨多多爲雨少一日得丑爲一牛耕地至十二日得丑  
爲十二牛耕地少爲勞多爲逸一日納音屬木爲蠶食一葉  
至九日納音屬木爲蠶食九葉少主貴多主賤入春暖則晴  
寒則雨諺云春寒多雨水雷則久雨諺云春雷十日陰元宵大風主  
油貴忌雨諺云雨打正月半一場弗好看二十日雨爲天穿主雨多二月八

日為祠山神生日西南風主有秋前後必有風雨釀寒謂之

請客風送客雨帝 諺云祠山大 十二日花朝宜晴十五日雨主

歉驚蟄之前不宜有雷諺云未蟄先 三月三日晴雨俱主葉

貴陰雲不雨則蠶大熟諺云三月三日晴桑上掛銀瓶 寒食

宜雨清明宜晴清明斷雪穀雨斷霜亦諺 春甲子宜晴諺云

子雨乘船入市 四月十四日晴主歲稔諺云四月十四神仙 二十日

忌雨霓立夏小滿日宜雨五月有壬子破日主水諺云五月

打屋頭過 七日八日十一日並宜晴諺云不怕端五端六只怕端

一十三日為關帝生日有雨主無疫癘俗稱磨 芒種後逢丙

入梅小暑後逢未出梅或以芒種後逢壬 入梅日雨主旱

諺云高田只怕迎梅雨低田只怕送時雷 夏至宜雨忌西南風諺云夏至西

南潯志

卷三十一

農桑二

三十

後半月為三時頭時三日中時五時七日末時七日忌雷忌寒三

時以後東南風連晝夜日舶趁風主久晴二十日為分龍日

忌雷雨主旱前此兩行必徧此後雨則或 廿一日雨主稔諺

二十分龍石頭罇裏都是米 六月三日有雨則日日有之諺云六月初

畫耘田下晝困 六日宜晴雨主水小暑日雷主水諺云小暑一聲

伏中日出時卯上有雲則有雨庚日有陣雨則連十日皆有

陣盛夏宜熱諺云六月不 夏甲子宜晴諺云夏甲子 七月七

夕雨主穀少立秋日忌雷諺云秋 丁卯日忌雨諺云雨打

中穫爛稻 八月一日雨主旱白露後忌風雨諺云處暑雨田裏米

白露秋分 廿四日為稻草生日雨則藁腐諺云八月廿四憂憂

更頭頭 九月九日宜雨主來年熟十三日晴則一冬少雨諺云九

晴釘鞋  
掛斷繩

秋甲子宜晴

諺云秋甲子  
雨禾頭生耳

十月內風頻作謂之五風

信十一月十七日為彌勒佛生日東南風則米貴西北風則

米賤冬至後九日有雨雪則每九皆然

諺云除夏起  
時連冬起九

十二月

上中二旬有雪來年梅水盛三日宜陰雨

諺云臘月初三  
晴陰濕到清明

十

二日為蠶生日宜晴冬甲子宜晴

諺云冬甲子  
雨飛雪千里

大寒後戊日

為臘臘雪主年豐又諺語占豐歉有云有春好看蠶無春好

種田謂立  
春節

柴貴荒年到米貴熟年來蒼蠅不喫貴米飯蒼荒

蚊熟蝦荒蟹亂占晴雨有云久旱逢庚落久雨逢庚晴丙不

藏日六月無夜陣東鸞日頭西鸞雨

俗呼虹  
曰鸞

朝霞不出門夜

霞行千里攔朝雨好曬被明星照爛地有雨落弗泊早晴不

是晴晚晴曬殺人雨前蓬花不肯落雨後蓬花不肯晴

細雨  
不溼

南潯志

卷三十一

農桑二

三十一

塵者俗稱  
蓬花雨

貓乾狗溼

貓飲水晴  
狗飲水雨

占風有云春東風雨祖宗北

風兩頭凶南風腰裏硬西風不過西東風無休歇單日雙風

雙日單風占霧有云春霧雨夏霧熱秋霧涼風冬霧雪霧露

醒跳下井

言天  
熱也

三朝霧露發西風黃霉霧露雨到半路占寒

暖有云老健春寒秋後熱

言不  
久也

未喫端午糉寒衣不可送喫

了端午糉還要凍三凍

湧幢小品春雪不宜過多若多則

百廿日必有大風雨俗謂之雪報最傷農

諺云一百廿  
日雪水轉

又

俗云夏至有風三伏熱重陽無雨一冬晴驗之殊不然及閱

感精符云夏至西逢三伏熱重陽戊遇一冬晴乃知俗說之

訛也

又吳中五六月間梅雨既過必有大風連數日土人

謂之舶趁風云是舶商請於海神得之凡舶遇此風日行數

千里雖猛而不爲害 烏青文獻夏至後九九氣候云一九

二九扇子不離手三九二十七冰水甜如蜜四九三十六拭

汗如出浴 一作汗出 五九四十五頭戴秋葉舞六九五十四

乘涼不入寺七九六十三上牀尋被單八九七十二思量蓋

夾被九九八十一家家打炭擊冬至後九九氣候云一九二

九相叫不出手三九二十七籬 一作樹 頭吹簞策四九三十六

夜眠如露宿 一作鷺縮一作方纒凍得熟 五九四十五太陽開門戶 一作窮漢

街頭舞一作街家堆鹽虎 六九五十四貧兒爭意氣 一作樹頭青漬漬一作

泥腿田裏注 七九六十三布衲兩頭攤 一作襪一作布衲一作破衲足頭

擔一作落 八九七十二貓狗尋陰地 一作暖氣 九九八十一

犁耙一齊出 一作三句云窮漢受罪畢 書城雜著 占水旱

南潯志

卷三十一

農桑二

三十一

蒹葭初生剝其小白花嘗之味甘主水饑主旱梧桐花初生

色赤主旱色白主水冬青花關係水旱其花不落溼地諺云

黃梅雨未過冬青花未破冬青花已開黃梅雨不來鳳仙花

五月開主水芒種前菟豆花開主水占豐歉桃李實多者來

歲必稔占雨水鵲巢近地其年大雨占晴雨鳩呼婦晴逐婦

雨鴉浴風鵲浴雨八哥浴斷風雨蜘蛛添絲晴弔水雨蜻蜓

亂飛主雨魚浮水面主雨水氣腥立時雨水面生青靛天公

又作變

龐正達田家吟

并序

曩者避亂村居時與二三野老探節數

時課晴問雨其言多田家志諸書所不載間或小有異同

總之不離乎測旱潦卜陰晴者近是農職也甲子秋臥病

無聊追憶舊聞十得三四戲綴七言以廣其意惟其拙而  
不工俗而不雅因命之曰田家吟固知壯夫不為聊為病

**魔解嘲云爾**下看十六上初三半月陰晴仔細參日沒胭

脂紅一色夜深風雨到窗南日沒後赤色如霞歷久不滅  
主風雨諺云日沒胭脂紅無

有風也一窗曉日影瞳矓轉眼濃雲撩碧空開口東方紅

似火須知閉口雨濛濛日出早色赤少頃雲起則雨  
立至諺云開口東方閉口雨東

北風來雨便傾至今贏得太公名上火下火更相接雨

風風卒未晴東北風多雨諺云東北風雨太公  
遇火日多雨諺云上火弗落下火滴湔納音

雞鴨今朝上宿遲明朝陰雨已先知老漁更說魚秤水新

買蓑衣正及時雞鴨上宿遲則天將陰雨  
躍離水面謂之魚秤水主雨魚 壬子哥

哥任自過後來爭奈甲寅何只愁三日連縣雨五十光陰

南潯志

卷三十一

農桑二

三十三

爛地多

壬子癸丑甲寅雨主久雨晴主久晴甲寅尤驗諺  
云壬子是哥哥爭奈甲寅何又云壬子癸丑甲寅

晴四十九日滿天星壬子癸  
丑甲寅雨四十九日踏爛泥

攔朝雨過青天出絮被家

家曬夕暉明日陰晴還未保夜來月亮着蓑衣

曉雨夕晴  
諺云攔朝

雨好曬被俗呼月為月亮月  
有雲謂之月亮着蓑衣主風雨

料峭春寒潤不收占晴

空自聽鳴鳩若非爛地照星月便是烏雲接日頭

鳩鳴有  
同聲者

曰呼婦主晴俗謂之開窠晒無回聲者曰逐婦主雨俗  
謂之蓋蓋窠久雨時向晚驟晴忽見星月必再有雨諺

云星月照爛地有雨落弗泊日沒時下多  
黑雲主雨諺云烏雲接日頭半夜雨啾啾

露白春霜

赤腳多春風隔宿雨滂沱更愁未蟄先驚蟄日日輕雷可

奈何

春霜多雨諺云春霜弗露白露白便赤腳春風每  
日轉方則晴諺云春風弗隔宿就要落驚蟄

前雷主歲歉諺云未蟄先蟄人食狗  
肉春雷多陰諺云春雷日日陰

桑葉清明雀口齊

蠶嬢拍手笑相攜不須更借錢加一中市今年賤似泥

清明

時桑葉如雀口形者主葉賤諺云清明雀口蠶孃拍手  
蠶時貸錢富室蠶畢而償母十則子一謂之加一錢葉  
價早晚不同有  
早市中市晚市  
三月三日春光好野菜花開賽牡丹盤

饌朝來薦新味鱸魚齊上水邊灘  
俗呼齊曰野菜春暮老不堪食遍地開白花諺

云三月三野菜花開賽牡丹是時鱸魚極  
多捕亦甚易諺云三月三鱸魚上岸灘  
二月清明蠶

等葉三月清明葉等蠶三車小滿一齊動婦女繅絲男灌

田清明在二月則葉遲蠶早在三月則葉早蠶遲諺云二月清明蠶等葉三月清明葉等蠶諺云小滿動三車絲

經車也  
年年穀雨兩邊蠶似雪鵝翎埽最便纔出烏兒

細如髮最遲立夏趕頭眠  
諺云穀雨兩邊蠶穀雨後一二日皆收蠶候

也立蠶始生曰烏兒細如髮惟以鵝翎埽取則不傷蠶早  
者立夏時已三眠俗曰出火次者二眠最遲者始頭眠諺

眠立夏趕頭  
絮襖還宜禦早涼蠶桑纔了正分秧勸君

未喫端陽糴莫送寒衣壓故箱  
小滿後時有薄寒故曰種田着絮襖又云未喫端陽

南潯志

卷三十一

農桑二

三十四

糴寒衣弗可送喫了  
端陽糴還要凍三凍

夏至有風三伏熱重陽無雨一冬

晴西逢戊遇憑修飾天籟還推第一聲  
夏至日風主三伏苦熱重陽日晴主

一冬少雨諺云夏至有風三伏熱重陽無雨一冬晴此語  
頗古昔人有改有風作酉逢無雨作戊遇者然不似田家

本色  
二十分龍廿一雨一年米抵兩年收釀錢便作青

苗會私債官糧不用愁  
五月二十日為分龍日次日有雨主歲豐諺云二十分龍廿一雨一

年收得兩年米  
鄉民於六七月間旗繖鼓樂迎行阡陌謂之青苗會  
時

裏西南暮復朝栖潭老鯉亦心焦那知一日偏相拘夏至

西南沒小橋  
夏至日起時頭時三日二時五日三時七日

裏西南老鯉栖潭時裏西北老鯉上屋惟夏至  
日西南風則又主潦諺云夏至西南沒小橋  
忽然小

暑一聲雷依舊濃陰晝不開卻笑天公十八變不辭兩度

作黃梅  
芒種後逢壬日入霉天氣晴雨不常諺云黃梅天十八變小暑一聲雷倒

轉做  
黃梅

六月初三逢陣雨恰如膏澤灑芳田農夫不用愁

辛苦上晝耘田下晝眠

六月初三有陣主雨水調勻諺云六月初三一箇陣上晝耘田下晝

困俗呼睡曰困午前日上晝午後曰下晝

雨絲多自北風生埽盡炎氛枕簟

清一事問人殊未解隔田塍處換陰晴

夏日北風多雨諺云夏雨北風生夏

日陣雨有相隔不半里即無雨者諺云夏雨隔田塍

雨餘若見橫雲起明日扶桑

旭影紅東鬣日頭西鬣雨一彎細認美人虹

虹朝見主雨暮見主晴俗

呼曰鬣諺云東鬣日頭西鬣雨更有形如斷虹直起尋丈不亘天作橋形者俗謂之橫雲久雨後見之必晴

彭祖空延八百齡東南陣發不曾經誰知帶過西南陣積

水如池兀未停

陣雲自東南起者無雨諺云彭祖活八百弗見東南陣發雲自西南來者雨必多

帶過落三寸

漸覺涼生暑氣蠲秋前十日作秋天從今

白露身休露料理寒衣放薄絛

立秋前有時天氣驟涼諺云秋前十日作秋天入白

南潯志

卷三十一

農桑二

三十五

露後天漸寒諺云白露身弗露

好是今年朝立秋秋來涼氣已颼颼牆

頭漸見銀河轉菱角家家咬不休

立秋在午前者主秋涼午後主熱諺云朝立秋

涼颼颼暮立秋熱啾啾人人嗜之諺云天河入屋角家家咬菱角

纔過白露

白迷迷幾日秋分稻秀齊日色半遮風不動試花天氣薄

雲低

白露時稻始華曰試花天宜無風無雨時有微雲遮日則稻易實諺云白露白迷迷秋分稻秀齊

天河入角過中秋夜作三更未肯休十月無工還更甚祇

堪喫飯與梳頭

八月後日短夜長始勤夜作諺云河射角趕夜作或曰天河入屋角家家趕夜作

十月日最短諺云十月無工祇有梳頭喫飯工

稻花香裏燕爭歸水米何曾一

啄微爲借門前出窠子春來還傍主人飛

燕以春社來秋社去諺云燕子

來未下秧燕子去稻花香又兒童學燕語曰不喫你的米不喫你的水借你門前出窠子

重陽風

信漸颼颼菱母消焯逐水流記取十三晴一日釘鞵挂到

斷繩休

重陽風起則菱窠漸散諺云九月重陽菱母消挂

繩斷

麥怕清明連夜雨稻怕寒露一朝霜今年兩日俱晴

暖便種租田亦小康

清明日有夜雨則傷麥寒露有霜則傷禾諺云麥怕清明連夜雨稻怕寒

露一朝霜鄉民有貧無恆產或人多田少佃種他人之田秋成後視土之高下歲之豐歉納租於田主

隕

霜早稻便登場婦子歡呼樂未央最是冬來好光景乾柴

白米燥礮糠

近鄉稻種多晚熟早者亦霜降前後始穫諺云霜降捉早稻霜稻登場最是農家佳處

市人目之曰乾柴白米燥礮糠

三朝霧露西風發鬻栗疑從籬上吹冬

至晴乾年邇邇近來占驗未差池

冬天連日大霧主風諺云三朝霧露發西風

冬至九九歌三九二十七籬頭吹鬻栗冬至前後晴主年終多雨諺云乾晴冬至邇邇年

幾日夜眠

如鷺縮朝來負暴趁陽和南風九裏偏如毒又聽鳴鳩蓋

蓋窠

冬至九九歌四九三十六夜眠如鷺縮冬後南風多陰雨諺云九裏南風如毒藥

雪花

南潯志

卷三十一

農桑二

三十六

飛雜雨如絲無歇無休惱客思底事天晴消不得卻因等

伴故遲遲

雨雪雜下不易晴諺云夾雨夾雪無休無歇積雪不消曰雪等伴必更有雪